




册府元龟

卷之九百七十七
至九



1 3
849
314



門 4 3
編 849
卷 314



册府元龜

淮南李嗣京參閱

西極文翔鳳訂正

豫章黃國琦較釋

外臣部 二十二

降附

天生四夷以禦魍魅故前代聖王羈縻勿絕禽獸而
畜之蓋以為中國之屏蔽也然或疆或弱忽往忽來
故曰弱則卑服疆則驕孽斯其天性亦在御之而已
自漢已來乃有嚮慕風教震懼威烈因其衰弱相率

內附而乃招諭之以禮申於撫納懷柔之以德厚其存恤以至張官置吏設亭築塞錫之以衣冠印綬振之以繒絮菽粟因以弭兵息役開疆拓土斯皆得來遠之道達禦戎之要者焉

漢高祖十一年立南粵王使陸賈即授璽綬即就也

居而佗稽首稱臣

孝惠三年七月南粵王佗稱臣奉貢是時遼東太守約朝鮮王蒲為

外臣保塞外蠻夷毋使盜邊境

文帝元年太中大夫陸賈使南粵賜尉佗書佗頓首謝願長為藩臣於是下令國中曰吾聞兩雄不俱立

兩賢不並世漢皇帝賢天子自今以來去帝制黃屋

左纛因為書稱蠻夷大長老夫臣佗昧死再拜上書

皇帝陛下老夫故粵吏也高皇帝幸賜臣佗璽以為

南粵王使為外臣時內貢職言以時輸入貢職孝惠皇帝即

位義不忍絕所以賜老夫者厚高后自臨用事近細

士用讒臣細士猶言小人也別異蠻夷出令曰母子蠻夷外

粵金鐵田器馬牛羊言非中國故云外粵即予之牡母與牝慮其

蕃老夫處辟馬牛羊齒已長辟讀曰辟齒已長謂老也自以祭祀

不修有死罪使內史蕃中尉尉高御史平凡三輩上書謝過皆不反又風聞老夫父母墳墓已壞簡兄弟

宗族已誅論

風聞聞風聲

吏相與議曰今內不得振於漢

外亡以自高異

振起也

故更號為帝自帝其國非敢有

害於天下高皇后聞之大怒削去南粵之籍使使不

通老夫竊疑長沙王讒臣故敢發兵以伐其邊且南

方卑濕蠻夷西有西甌其衆半羸

羸謂勞弱也

南面稱王

東有閩粵其衆數千人亦稱王西北有長沙其半蠻

夷亦稱王

言長沙之國半雜蠻夷之人

老夫故敢妄竊帝號聊以

自娛老夫身定百邑之地東西南北數千萬里帶甲

百萬有餘然北面而臣事漢何也不敢背先之人故

老夫處粵四十九年于今抱孫焉然夙興夜寐寢不

安席食不甘味目不視靡曼之色耳不聽鐘鼓之音

者以不得事漢也今陛下幸哀憐復故號通使事漢

如故老夫死骨不腐改號不敢為帝矣謹北面因使

者奉獻

景帝時

史不書年

西羗研種留可率衆人求守隴西塞於

是徙留何等於狄道安故至臨洮氏道羗道縣

武帝建元三年秋閩粵發兵圍東甌東甌人告急天

子遣中大夫嚴助發會稽郡兵浮海救之漢兵未至

閩粵引兵去東粵請舉國徙中國乃悉與衆處江淮

之間

元朔元年三月東夷濊君南閭等口二十八萬人降以爲蒼海郡

元狩二年秋匈奴昆邪王殺休屠王并將其衆合四萬餘人來降置五屬國曰

古以

處之曰其地爲武威

酒泉郡是時驃騎將軍霍去病

驃音頻 妙切

將兵擊匈奴

右地多斬首虜獲休屠王祭天金人復西過居延攻祁連山大克獲於是單于怨昆邪休屠居西方多爲

漢所破召其王欲誅之昆邪休屠恐謀降漢休屠王後悔昆邪王殺之并將其衆降漢

元鼎五年五月諫議大夫終軍使者安國少季使南

粵是時南粵王興年少太后穆氏中國人國人多不

附太后恐亂起亦欲倚漢威勸王及幸臣求內屬卽

因使者上書請比內諸侯三歲一朝除邊關於是天

子許之賜其丞相呂嘉銀印及內史中尉太傅印餘

得自置

丞相內史中尉太尉之外皆任其國自選置不受漢之印綬

除其故黥劓

刑用漢法諸使者留填撫之

填音竹 亦切

六年春旣平南粵時蒼梧王趙光與粵王同姓聞漢

兵至降爲隨桃侯及粵揭陽令史定降漢爲安道侯

揭音羯 南海縣

粵將畢取以軍降爲滕侯

粵將姓畢名取也 功臣表滕屬南陽

音來 彫切

粵桂林監居翁

桂林部監也 姓居名翁

諭告甌駱四十餘

萬口降為湘城侯

元封二年壬子發巴蜀兵擊滅勞深靡莫二國名以兵

臨滇王始首善以故弗誅言初始以來常有善意滇王離西夷

言東嚮滇舉國降請置吏入朝於是以為益州郡賜

滇王王印復長其民為之長帥

宣帝地節中匈奴前所得西噤居左地者噤匈奴種噤音奴獨

切其君長以下數千人皆驅畜產行與甌脫戰所戰

殺傷甚衆遂南降漢

神爵二年五月羌若零離留且種兒庫且音子共斬

兜零大豪猶非楊玉首猶非及楊王二人也一作會非及諸豪弟澤

陽雕良兒靡忘皆帥煎鞏黃羝之屬四千餘人降漢

初置金城屬國以處降羌是年秋匈奴大亂日逐王

先賢禪將人衆萬餘來降初先賢禪父左賢王當為

單于讓狐鹿姑單于許立之國人以故頗言日逐王

當為單于日逐王素與握衍胸鞞單于有隙即率其

衆數萬騎歸漢

五鳳二年十一月匈奴呼邀累單于帥衆來降邀古速字

累音力追切

甘露三年春呼韓邪單于為鄧支所破遂稱臣來朝

月餘單于自請願留居光祿塞下徐自為所築者也有急保

漢受降城

保守也於此自守也

漢遣長樂衛尉高昌侯董忠車

騎都尉韓昌將騎萬六千又發邊郡士馬千數送單

于出朔方雞鹿塞

在朔方臨潼縣北

詔忠等留衛單于助誅

不服又轉邊穀米糲

糲乾飯也音備

前後三萬四千斛給贍

其食

成帝時

史不書年

匈奴左伊秩訾為呼韓邪畫計歸漢竟

以安定其後或譏伊秩訾自伐其功嘗鞅鞅

伐謂矜其功力

呼韓邪疑之左伊秩訾懼誅將其衆千餘人降漢

後漢光武建武元年復置護羌校尉官初白馬氏人

悉附隴蜀及隗囂滅其酋豪仍背公孫述降漢隴西

太守馬援上復其王侯君長賜以印綬

十二年九月真徼外蠻夷張游率種人內屬

十三年七月廣漢塞外白馬羌豪樓登等率種人五

千餘戶內屬

二十年秋東夷韓國人率衆詣樂浪內附

東夷有辰韓馬韓謂

之三韓國也

二十三年十月高句麗率衆人詣樂浪內屬是月匈

奴冀鞬日逐王比率部曲遣使詣西河內附

先是二十二年

單于與死子左賢王烏達鞬候立為單于復死弟左賢王蒲奴立為單于比既呼韓邪單于之孫不得立

密遣漢人郭衡奉匈奴地圖二

十三年詣西河太守求內附

丹守元龜 外臣部

二十四年春八部大人共議立比爲呼韓邪單于以其大父嘗依漢得安故欲襲其號於是款五原塞願永爲藩蔽扞禦北虜帝用五官中郎將耿國議乃許之其冬比自立爲呼韓邪單于

二十五年烏丸大人郝且等九千餘人帥衆詣闕封其渠帥爲侯王者八十餘人使居塞內布列遼東屬國遼西右北平漁陽廣上谷代郡雁門太原朔方諸郡界招來種人給其衣食置較尉以領護之遂爲漢鎮備擊匈奴鮮卑

二十六年遣中郎將段郴授匈奴南單于印綬令入居雲中始置匈奴中郎將兵衛護之先是二十四年匈奴奠鞮日逐王比自立爲南單于於是分爲南北匈奴遣子入侍

二十七年五月益州郡徼外哀牢王賢栗等遂率種人中二千七百七十口萬七千六百五十九詣越嶲太守鄭鴻降求內屬先是二十三年賢栗擊附塞夷鹿^音芘^多哀牢之衆溺死數千人賢栗復遣其六王將萬人以攻鹿芘鹿芘王與戰殺其六王哀牢耆老共埋六王夜虎復出其尸而食之賢栗惶恐謂其耆老曰我曹入邊塞自古有之今攻鹿芘輒被天誅中國

其有聖帝乎天祐助之何其明也至是遂求內屬
三十年正月鮮卑大人於仇滿賁滿頭等率種人詣
闕朝賀慕義內屬

明帝永平元年鮮卑大人皆來歸附並詣遼東受賞
賜青徐二州給錢歲二億七千萬為賞

十二年正月益州徼外夷哀牢王柳貌遣子奕種人
內屬其稱邑王者七十七人戶五萬一千八百九十
口五十五萬三千七百一十一西南去雒陽七千里

帝以其地置哀牢博南二縣割益州郡西部都尉所
領六縣合為永昌郡

是時益州刺史朱輔在州數歲
宣示漢德威懷遠夷自汶山以

西前世所不至正朔所未加白狼樂本唐叢等百餘
國戶百三十餘萬口六百萬上舉種奉貢稱為臣僕

章帝建初八年六月北匈奴三木樓訾大人稽留斯
等率三萬八千人馬二萬匹牛羊十餘萬款五原塞
降

章和元年十月北匈奴屋蘭儲等率眾降

和帝永元四年正月北匈奴右谷蠡王于除鞬自立
為單于款塞乞降

於除鞬
其名也

遣大將軍左校尉耿夔授
璽綬

六年四月蜀郡徼外大牂夷種羗豪造頭等率種人
五十餘萬口內屬拜造頭為邑君長賜印綬是年蜀

郡徼外羗率種人造使內附

十二年二月旄牛徼外白狼樓薄蠻夷王唐繒等遂

率種人十七萬口歸義內屬是年西城蒙奇兜勒二

國遣使內附

安帝永初元年正月蜀郡徼外羗龍橋等六種慕義

降附三月永昌徼外樵僥種夷陸類等二千餘口舉

種內附五月九真徼外夜郎蠻夷舉土內屬開境千

八百四十里

二年閏七月蜀郡徼外羗薄申等八種三萬六千九

百口復舉土內屬十二月廣漢塞外參狼種羗二千

四百口復來內屬

五年高句麗王宮遣使貢獻求屬玄菟

元初一年正月蜀郡青衣道夷邑長令田田名與徼

外三種夷三十一萬口齎黃金旄牛毘毘結毛為節也即今馬及

弓奠三舉土內屬

三年五月越嶲郡徼外夷犬羊等八種戶三萬一千

口十六萬七千六百二十慕義內屬

永寧元年十二月遼西鮮卑大烏倫其至鞬衆詣度

遼將軍鄧遵降奉貢獻

延光元年十二月九真徼外蠻貢獻內屬

二年五月日南徼外蠻夷內屬

質帝永嘉元年二月叛羗詣充馮翊梁並降是時諸羗衰耗並稍以恩信招誘之於是離切孤奴等五萬餘戶詣並降

靈帝建寧三年九月鬱林烏潯民相率內屬

烏潯南方夷號

也時谷永為鬱林大音以恩信結之烏潯人十餘萬內屬皆受冠帶開置七縣

章帝五年七月巴郡板楯蠻詣太守曹謙降

獻帝建安十年三郡烏丸觸等舉其縣降封為列侯

魏太祖平張魯于漢中是時巴七姓夷王朴胡實邑

侯杜濩舉巴夷實民來附於是分巴郡以胡為巴東

太守濩為巴西太守皆封列侯

明帝景初元年右北平烏丸單于寇婁敢遼西烏丸

都督王濩留等居遼東率部眾隨度遼將軍毋丘儉

內附

齊王正始五年九月鮮卑內附置遼東屬國立昌黎

縣以居之

七年韓那奚等數十國各率種落降

蜀後主延熙十年衛將軍姜維出隴西南安金城界

與魏大將軍郭淮夏侯霸等戰於洮西涼州胡王白

虎文治無載等舉部落降維安撫居之于繁縣

晉武帝咸寧二年二月東夷八國歸化七月東夷十
七國內附

三年西北雜虜及鮮卑匈奴五溪蠻夷東夷三國前
後十餘輩各率種人部落內附

四年東夷九國內附

五年三月匈奴都督拔突虛帥部落歸化十月匈奴
餘渠都督獨雍等帥部落歸化

太康元年六月東夷十國歸化

二年六月東夷五國內附

四年六月鮮河僚二千餘部落內屬

五年匈奴胡太阿厚率其部落二萬九千二百人歸
化

六年四月參離四千餘部落內附

七年八月東夷十一國內附是年匈奴胡都大博及
萎蒞胡等各率種類大小凡十萬餘口詣雍州刺史

扶風王駿降附

八年八月東夷二國內附是年匈奴都督大豆得一
育鞠等復率種落大小萬千五百口牛二萬二千頭
羊十萬五千口車廬什物不可勝紀來降并貢其屬
物帝並撫納之

九年九月東夷七國詣按尉內附

十年五月鮮卑慕容廆來降東夷十一國內附十二月奚軻男女十萬口來降

惠帝元康元年東夷十九國南夷二十四部並詣按尉內附

宋孝武帝大明元年梁州獠來內屬立懷漢郡

南齊太祖建元四年南梁州刺史仇池公楊靈珍與二弟婆羅阿卜珍率部曲三萬餘人舉城歸附送母及子雙健阿皮於南鄭爲質

陳文帝天嘉二年霍州四山蠻率部落內附

後魏道武天興元年四月鄜城屠各董羗杏城盧水郝奴河東蜀薛榆氏師符興各率其種內附

二年八月西河胡師護諾于丁零帥翟同屬師韓龔並相率內附

三年十一月高車別帥勅力犍率九百餘落內屬

四年正月高車別帥率其部三千餘落內附

五年十二月越勒莫弗率其部萬餘家內屬居五原之北

六年正月方尉遲部別帥率萬餘家內屬入居雲中明元永興三年六月西河胡張賢等率營部內附十

二月蠕蠕斛律宗黨吐觝于等百餘人內屬

神瑞元年六月河西胡首劉遮劉退孤率部落等萬餘家渡河內屬

二年二月河西胡劉雲等數萬戶內附

秦常二年十二月氏豪徐駉奴齊元子等擁部落三萬於雍遣使內附詔將軍王雒生及河內守楊聲等西行以應之

三年正月河東胡蜀五千餘家相率內附

五年四月河西屠各歸董大虎羗酋不蒙娥等遣使內附十二月杏城羗酋狄温子率三千餘家內附

太武神麤元年八月上部休屠胡會金崔率部內屬又上落巴渠泉午觸等萬餘家內屬

延和二年十二月隴西休屠王弘祖率衆內附

太延四年十二月上落巴渠泉草等相率內附

文成大安三年十一月蠻王文虎龍率千餘家內附

四年十一月車駕渡漠蠕蠕絕跡遠遁其別部烏朱賀頽庫二十頽率衆來降

獻文皇興三年十一月吐谷渾別帥白羊堤度汗率戶內附

孝文延興元年九月高麗民奴久等相率來降各賜

田宅

二年正月太陽蠻酋桓誕率戶內屬拜征南將軍封襄陽王

三年十一月吐谷渾部內羗良鍾豈渴下等二千三百戶內附

太和五年七月蠕蠕引帥他稽率衆內附

十二年十二月蠕蠕伊吾戍主高羔子率衆三千以城內附

十三年二月蠕蠕別帥訾呂勤率衆內附

十七年五月襄陽蠻酋雷婆思等率一千三百餘戶

內附徙居於太和川是年光城四山蠻帥田益宗遣使張超奉表歸款

宣武景明元年六月大陽蠻酋田育丘等率戶內附

四年十二月蠕蠕高車民他莫孤率部來降

永平元年十二月漢東蠻民一萬七百戶相率內附

三年九月高車別帥可略汗等率衆一千七百戶屬

孝明帝神龜二年十一月蠕蠕莫緣梁賀侯豆率男女七百人來降

正光元年九月蠕蠕主阿那瓌來降

二年八月蠕蠕後主乂閭侯匿代來奔懷朔鎮是時

本傳云 正光中 大都督司徒平南王破六韓孔雀率部一萬降於爾朱榮詔加平北將軍第一領民會長

東魏孝靜興和三年二月阿羅出吐拔那渾大率部來降四月阿至羅國王副伏羅越居子去賓來降

西魏元帝永熙二年三月阿至羅相率降欵

文帝大統五年蔡陽蠻王魯超明內屬

恭帝二年諸蠻酋宜良王田興彥北荊州刺史梅季昌等相繼欵附

後周武帝天和元年五月吐谷渾龍涸上莫昌率戶內附以其地爲扶州

宣政元年正月吐谷渾僞趙王他婁屯來降

隋高祖開皇四年二月突厥蘇尼部男女萬餘人來

降是月突厥可汗阿史那玷率其屬來降五月契丹

主莫賀弗遣使請降是年黨項千餘宗歸化

五年拓拔寧業等各率衆詣旭州內附是年契丹悉

其衆欵塞帝納之聽居其故地

六年正月黨項羗內附是年契丹別部出伏等皆高

麗率衆內附納之安置於渴奚郝頡之北

十六年黨項寇會州詔發隴西兵以討之大破其衆

又相率請降願爲臣妾遣子弟入朝謝罪帝謂之曰

還語爾父兄人生須有定居養老長幼而乃乍還乍走不取羞鄉里耶自是朝貢不絕

十九年四月突厥利可汗內附是時契丹別部四千餘家背突厥來降帝方與突厥和好重失遠人之心悉令給糧還本勅突厥撫納之固辭不去

仁壽元年五月突厥男女九萬口來降

煬帝大業二年七月啓民可汗上表請變服襲冠帶五年六月伊吾吐屯設等獻西域數千里之地

八年正月突厥處羅可汗還蕃詔留其羸弱萬餘口令其弟建度開牧畜會寧郡

唐高祖武德元年七月闕可汗遣使內附闕可汗者西蕃突厥曷婆那可汗之次弟也初號闕達度設統部落於會寧郡控弦三千餘騎及隋亡自稱闕可汗初連橫於李軌隨西戎使者曹瓊據甘州誘之又以眾附瓊合軍拒軌為軌所敗竄於達外拔谷與吐谷渾相唇齒至是遣使朝貢舉國內屬八月華池胡帥劉企成率眾來降十二月突厥曷婆那可汗自宇文化及所來降可汗先從隋煬帝巡幸仁都之敗隨化及至黎陽因而西歸四年契丹別部酋孫敖曹與靺鞨會長突地稽俱請內附

七年二月高句麗遣使內附受正朔請班曆許之
九年正月念諸川羗數百戶內屬

太宗貞觀二年二月蘇羯內屬四月契丹太賀摩會
率其部來降十二月牂牁州蠻並遣使朝貢牂牁
渠姓謝氏舊臣中國代為本土牧守隋末天下亂遂
絕不通至是知中夏平定其首謝龍羽遣使修職貢
勝兵數萬於是列其地為牂州拜龍羽為刺史兖州
者牂牁之別部也牂牁隣境勝兵二萬列其地為兖
州自是並朝貢不絕

三年九月突厥俟斤九人率三千騎來降十二月
突厥利可汗阿史那什鉢苾與頡利有隙率所部來
降是年南會州都督鄭元璫遣使招諭黨項其長細
封步賴舉部內附列其地為執州南平蠻遣使內附
以其地隸渝州

六年十月契苾何力率其部六十餘家款塞帝處之
涼州先是五年詔開河曲地為十六州是年黨項等
羗前後內屬者三十萬口

十年三月吐谷渾請頒曆奉行年號並子弟人侍並
從之是年都布可汗阿史那社爾以地逼延陁款塞
歸附帝嘉其忠節授左驍衛大將軍妻以衡陽長公

主拜駙馬都尉

十三年六月渝州人侯弘仁自牂牁至西趙楊蒲洞
山邕州通交桂道蠻俚降者二萬八千餘戶

二十年八月車駕幸靈州次浮陽頓鐵勒廻紇拔野
古同羅僕骨多濫葛思結阿跌契丹奚結渾斛薛等
十三姓各遣使朝貢奏稱延陁可汗不事大國暴虐
無道不能與奴等爲主人自死敗部落烏散不知所
之奴等各布分地不能逐隨延去也歸命天子願賜
哀憐乞置漢官司養育奴等帝意以破延陁遂空漢
庭見其使至甚悅遣黃門侍郎褚遂良引於縣麻浮
觴積歲以禮之夜分乃已

二十一年正月廻紇率衆內附十月奴刺啜訶侯友
率其部兵千餘口一萬內附

二十二年二月西蕃沙鉢羅葉護率衆歸附四月西
突厥泥伏沙鉢羅葉護阿史那賀魯率衆屬于庭州
十一月契丹帥窟哥奚帥可度者並率其部內屬以
契丹部爲松漠都督府拜窟哥爲使持節十州諸軍
事松漠都督又以其別帥達稽部置峭落州祈紇使
部置殫汗州獨活部落置無逢州芬間部置羽凌州
突使部置日連州芮奚部置徒河州遂斤部置萬丹

州伏部置疋黎亦山二州各以其酋長辱紇主爲刺史俱隸松漠焉以奚部置饒樂都督府拜可度爲使持節六州諸軍州饒樂都督又以別帥阿會部置弱水處和部置祈黎州與失部置維瓌州度稽部置大魯州元侯析部置渴野州亦各以其酋長辱紇主爲刺史俱隸於饒樂焉又于營州置東夷校尉官

二十三年拔悉密吐毛達官肥羅察等以其部落內屬是年西南徒莫祗蠻等各率其衆內屬以其地爲傍州望州望州覽州丘州並隸郎州都督府

高宗永徽二年十一月特浪生羌董悉奉求碎惠生羌卜樓莫等各率種落萬餘戶詣茂州歸附

五年正月生羌大首領凍就率部落內附以其地置

劍州

顯慶元年七月西洱河大首領楊棟附顯和蠻大首領王羅祁郎昆黎盤四州大首領王伽衝部落四千戶歸附十一月生羌大首領浪我利波及鉢南伏浪恐等各率部落歸附以其所部爲柘拱二州
三年八月播羅哀生獠首領多胡桑等率部落六千餘戶內附

咸亨三年正月昆明蠻一十四姓二萬三千戶相率

內附分置殷州敦州總州以安輯之

玄宗開元二年閏二月突厥默啜之壻火拔頡利發石阿異失與妻來奔五月突厥屈利頡斤及三姓烏波都擔等詣并州內屬九月葛邏祿車鼻施失鉢邏侯斤等一十二人以涼州內屬命攝鴻臚卿鄭嘉祚往涼州宣勞是月胡祿屋闕及首領胡祿一千三十人來降十月胡祿屈二萬帳詣北庭內屬

三年二月突厥十姓部落左廂五咄之啜右廂五怒失卑五侯斤及高麗王莫離支高文簡都督跌思大等各率其衆自突厥相繼內屬前後二千餘帳四月

三姓葛邏祿率衆歸國帝降書慰曰三姓葛邏祿首領散爛侯斤等冒涉遠來並平安好卿等一被驅率多歷歲年遂背逆輸忠間行歸國言念誠節嘉賞良深緣被部落初來已令逐便安置卿等來日大首領及將士已下竝得安穩以否有所事意具狀奏來四年九月契丹李矢活奚李大酺各以所部來降六年四月突厥賀魯阿波屬下首領倍羅賀魯度辭等投降五月契丹部落孫骨納等十八人內屬並授游擊將軍賜緋袍銀帶留宿衛

十一年九月吐谷渾率其衆詣汝州內屬詔張敬忠

安存之降書吐渾曰卿北被吐蕃收留阻我聲教自棄汝塞于今數年彼蕃每肆侵凌百姓聞甚辛苦今遠申誠款朕甚嘉焉

二十七年九月處木昆訶延闕律吸部落拔塞幹部落鼠尼施部落阿悉告部落弓月部落哥係部落皆遣使謝恩請內屬許之其表曰臣等生在荒裔久闕朝宗國亂士薨互相攻殺賴陛下聖恩遐布愍念蒼生令積西節度使蓋嘉運統領兵馬撫臣遠蕃誅暴拯危存恤蕃部臣等伏願稽首聖顏兼將部落於安西管内安置永作邊犴長爲臣子今者載馳驟首天路不任嘉躍之至

二十八年十二月突騎施可汗英賀達于率其妻子及蘇官首領百餘人內屬初賀達于與烏蘇萬維扇誘諸蕃背叛帝命蓋嘉運宣恩招諭皆相率而降天寶元年八月突厥阿布惠及默啜可汗之孫登利可汗之女與其黨屬來降九月護密國王子頡吉訶遣使上表請背吐蕃來屬

四年曹國王哥邏僕遣使上表自陳宗祖以來向天可汗忠赤嘗受徵發望乞茲恩將奴國土同爲唐國小州所須驅遣奴身一心忠赤爲國征討

十三載二月劍南節度奏女國南王國及白狗並率部落內屬閏十一月吐蕃白蘭二品官籠董占庭等二十一人來降並授左武衛員外大將軍

十四載正月蘇毗王子悉諾邏率其首領數十人來降隴右節度使哥舒翰奏曰蘇毗一蕃最近河北吐澤部落數倍居人蓋是吐蕃舉國強授軍糧兵馬半出其中自沒凌替送款事彰家族遇害二千餘人悉其種落皆爲猜阻今此王子又復歸降臨行車洩還遭掩襲一千餘人悉被誅夷猶獨與左右苦戰獲免且吐蕃蘇毗互相屠戮心腹自潰滅亡可期但其王

逆逆歸仁則是國家盛事伏望宣付史館旌其慕化從之

代宗寶應元年六月突厥奴刺部落千餘人內屬請討賊自效丁巳宴奴刺大首領于內殿賜物有差十二月己未投降羗渾歸順州部落乾封州部落歸義州部落順化州部落和寧州部落和義州部落保善州部落寧定州部落羅雲州部落朝鳳州部落並詣山南西道都防禦使臧希讓請州印希讓以聞許之永泰元年二月河西黨項未定等一十二州部落內屬請置公勞等一十五州許之

二年五月安南生蠻大首領林觀符部落新置德化州管戶一萬六百潘歸國部落新置龍武州管戶一千五百詔安南節度使左散騎常侍周衡宣恩勞徠之

大曆五年春羗大首領白對遂王守貞胡那惹等各率部落內屬並授羗之所居羈縻州刺史

德宗貞元九年七月劍南西山羗女哥隣白狗通和弱水南王六國長率種落欵附悉董國及清遠王咄霸王皆歸化女國等散居西山舊分隸邊郡其祖父吐蕃所役其部落大者不過三二千戶各置縣令十數人理之上有絲絮歲輸於吐蕃至是相率欵附其

種落至者節度使韋臯處之
雜保羈縻州人頗統附之

十年八月吐蕃渠帥論乞髯湯沒藏悉諾碑以其家屬來降

十二年三月西川節度使韋臯奏于雅州會野路招得投降蠻首領高萬唐六十九人蠻約一千七百戶二萬餘口

憲宗元和三年六月沙陀突厥七百人攜其親屬歸于振武節度使范希朝是月邕管西原蠻首黃少卿歸欵

五年五月鹽州奏渭北黨項拓跋公政等一十三府

連狀稱管涔北押下帳幕收放經今十五餘年在鹽州界今準勅割屬夏州情願依前在鹽州充百姓六月太原節度柳公綽奏雲州奉成軍部落一百二十帳先移在把頭峰外今却招得二十七帳六年正月振武節度使李泳奏招收得黑山外契苾部落四百七十三帳

穆宗長慶二年六月鹽州上言北界黨項被憂州遣兵劫掠殺戮其都督拓拔萬誠請降詔夏州節度使李祐其黨項勿令侵擾

四年二月嶺南秦洞賊黃昌瓘使其黨陳少奇及前領二十人連欵請降十二月鳳翔節度使王承元送到投降吐蕃一十九人各賜衣一襲

文宗太和元年八月靈州奏部落遊弈使拓拔忠義招收得部落五千餘帳於界首安置訖

開成元年二月天德軍奏生退渾部落三千帳來投豐州

三年九月安西都護馬植奏羈縻州刺史首領麻光耀等先屬南蠻今羗子弟相次到府并納南蠻所支牒衣物等

武宗會昌元年五月天德軍奏迴鶻盟沒斯與歷友

王子多覽將軍等七人與部下將士二千一十口六十八人來降

宣宗大中三年正月涇原節度使沈季榮奏吐蕃論思熱以安樂三州及右門七關等歸國

五年八月沙州張義潮遣兄義潭將瓜沙伊肅等十一州圖經戶籍來獻

後唐莊宗同光二年三月蔚州送降附契丹七人六月雲州節度使李徽文奏達勒首領滂撒于于越族帳先在磧北去年契丹攻破背陰達勒因相掩擊滂撒于于率領步族羊馬三萬逃遁來降已到金月南

界今差使蒙越到州便令人奏

明宗天成元年十月契丹平州守將領幽州節度使盧文進率戶口兵馬車帳來降

二年正月定州行營副招討房知溫奏奚陁羅支領兩蕃奚內附建牙於營州

三年閏八月契丹平州刺史張希崇殺其契丹以一城居人歸國命中使齎茶藥接之

長興元年六月達怛三十帳內附七月北京奏吐渾千餘帳內附已於天池川靜樂縣界安置八月北京奏吐渾內附欲於嵐州安族帳十月青州奏登州申

契丹阿保機男東丹王突欲一行四十餘萬人馬八十疋來歸

二年閏五月吐渾下大首領薛海金等于我

三年五月達靺首領頡哥已下四百人內附

四年正月突厥首領李白山等三十四人內附

宋帝清泰二年九月振武揚光遠年河口蕃部來奔界上安置

周太祖廣順二年四月定州言契丹羽林都署辛霸卿等二十三人馬三疋并車牛來奔六月契丹降人孫重勳等四十四人到闕八月定州言有戶三百

契丹來歸十月辛卯契丹釣臺鎮將王彥鎮都將盧曉文招收軍使王瓊等八人來奔十一月契丹界闕南都船務使王希乾寧軍使孫章而下二十四人來歸十二月契丹殿頭王進龍武羽林軍較及通事舍人胡延等六人來奔

三年正月契丹王子元祿二人羽林軍使王遇軍將張超等十九人來奔二月鎮州言卻送契丹來奔銀院使張知訓等七人三月契丹羽林軍士十五人來降四月契丹乾寧軍使張韜等三十八人羽林軍將王興等十五人來奔五月深州送契丹來奔趨院官

李緒等十七人指揮使李重筠等十人爲儀郎四十人至京師

六月契丹瀛州戎軍陶洞文等十二人及巡簡指揮使葛知友雲州牙將崔崇等十九人招救軍使李彥暉二十一人來奔是月定州送奚契丹來奔綉院使邢福順等十三人并順州刺史男戴原等至闕

七月契丹羽林軍士楊澤等十三人殿直楊晏等二十五人來奔是月滄州李暉送契丹降人盧臺軍使張藏英等二百二十二人馬二十三疋八月定州部送契丹歸明軍士齊武等二十九人至京師九月雲州渾吐指揮使黨富達等五十一人馬驘四十二并朔州軍使馬延嗣等來奔

應限軍封... 淮南李嗣京參閱
西極文翔鳳訂正
豫章黃國琦較釋

册府元龜

淮南李嗣京參閱
西極文翔鳳訂正
豫章黃國琦較釋

外臣部 二十三

和親

戎狄之國世為邊患禮義不能革其貪于戈不能絕
其類故上自虞夏商周固不程督雖有窮兵迫擊而
亦亡失略等所謂獸聚鳥散從之如轉景者也是以
聖人用權變之道遠御不絕而已漢高始納奉春之

計建和親之議歲用絮繒酒食奉之非惟解兵息民亦欲漸而臣之為羈縻長久之策耳高后文帝至于宣元皆用是道故得呼韓朝於北闕之下及魏道武讀漢史至欲以魯元妻匈奴為之掩卷太息於是以諸女皆釐降于賓附之國此乃深識從權濟時之略焉易曰惟幾也故能成天下之務其是之謂乎

漢高帝罷平城歸韓王信亡入胡當是時冒頓單于兵彊控弦四十萬騎控引也謂皆引弓也數苦北邊帝患之問奉春君劉敬敬曰天下初定士卒罷於兵革罷讀日疲未可以武服也冒頓殺父代立妻群母以力為威未可

以仁義說也獨可以計久遠于孫為臣耳然陛下恐

不能為帝曰誠可何為不能顧為柰何顧思念也敬曰陛

下誠能以適長公主妻單于適讀日嫡謂皇后所生厚奉遣之

彼知漢女送厚蠻夷必慕以為閔氏生子必為太子

代單于何者貪漢重幣陛下以歲時漢所餘彼所鮮

數問遺鮮少也問遺謂餉饋之也鮮音息善反使辯士風諭以禮節凡讀

冒頓在固為子婿死外孫為單于豈曾聞孫敢與

大父亢禮哉可母戰以漸臣也若陛下不能遣長公

主而令宗室及後宮詐稱公主彼亦知不肯貴近無

益也近音其革反帝曰善欲遣公主吕后泣曰妾惟以一

太子一女言唯以屯自慰柔何棄之匈奴帝竟不能遣長公

主而取家人子為公主妻單于於外庶人之家取女而名之為公主使

敬往結和親約一云奉宗室女公歲奉匈奴絮繒酒

食物各有數約為兄弟以和親冒頓乃少止

惠帝三年春以宗室女為公主嫁匈奴單于時冒頓

寢驕凌漸也乃為書使使道高后其辭悻悻高后善季

布言令大謁者張擇報書曰單于不忘敝邑賜之以

書敝邑恐懼退曰自圖圖某也年老氣衰髮齒墜落行

步失度單于過聽不足以自汗過誤也敝邑無罪宜在

見赦竊有御車二乘馬二駒以奉嘗駕冒頓得書復

使使來謝曰未嘗聞中國禮義陛下幸而赦之因獻

馬遂和親文帝即位復修和親

四年匈奴遺漢書曰天所立匈奴單于敬問皇帝無

恙前時皇帝言和親事稱書意合驩稱副也言與所遺書意相副而

共結驩親漢邊吏侵侮右賢王不請不請言不告也為聽

後義盧侯難支等計與漢吏相恨絕二主之約離昆

弟之親皇帝讓書再至發使以書報不來漢使不致

讓書有責讓之言也謂匈奴再得漢書而法使將書以報漢留其使不得來還而漢又更不發使至匈奴

也漢以其故不和隣國不附今以少吏之敗約少吏猶言

故罰右賢王使至西方求月氏擊之以天之福吏

卒良馬力強以滅夷月氏盡斬殺降下定之樓蘭烏
 孫呼揭其旁二十六國皆已為匈奴諸引弓之民并
 為一家北州以定願寢兵休士養馬除前事復故約
 以安邊民以應古始使少者得成其長者得安其
 處世世平樂未得皇帝之去使郎中孫牟淺奉書
 請獻橐駝一騎馬二駕一駟皇帝即不欲匈奴近塞
 則且詔吏民遠舍使者至即遣之六月中來至新望
 之地漢界上塞下之地書至漢議擊與和親孰便公卿皆曰
 單于新破月氏乘勝不可擊也且得匈奴地澤鹵非
 可居也和親甚便漢許之

六年遺匈奴書曰皇帝敬問匈奴大單于無恙使孫
 牟淺遺朕書云願寢兵休士除前事復故約以安邊
 民世世平樂朕甚嘉之此古聖之志漢與匈奴約為
 兄弟所以遺單于甚厚背約離兄弟之親者嘗在匈
 奴然右賢王事已在赦前勿深誅單于若稱書意明
 告諸吏使無負約有信敬如單于書使者言單于自
 將并國有功甚苦兵事服繡袷綺長襦錦袍各一服
天子自所服也繡者為表綺為裏也袷者此疎一
充衣絮也繡袷綺衣以繡袷音工袷反
之飾也以金為之此音黃金飾具帶一黃金犀毗一
頻寐及疎字或作金字
犀毗胡帶繡十疋錦二十疋赤緋綠縵各四十疋使
之鈎也

中大夫意謁者令肩遣單于後頃之冒頓死子稽粥

立稽音奚 粥音育號曰老上單于老上稽粥單于初立帝復

遣宗人女公主為單于閼氏宗人女亦諸侯王之女使宦者燕

人中行說傳公主

十四年後匈奴歲入邊殺略人民漢甚患之及使使

遣匈奴書單于亦使當戶報謝復言和親事

後二年使使遣匈奴書曰皇帝敬問匈奴大單于無

恙恙音使當戶具渠雕渠難郎中韓遼遣朕馬二疋

已至敬受當戶且渠者其人為二官雕渠難者其姓名先帝制長城以北

引弓之國受令單于長城以內冠帶之室朕亦制之

使萬民耕織射獵衣食父子毋離臣主相安無暴

虐今聞滌惡民貪降其趨滌音先列反降下也胃下意於利也趨胃曰趨

義絕約忘萬民之命離兩主之驩然其事已在前矣

書云二國已和親兩主驩說說讀日悅寢兵休卒養馬寢息

也世世昌樂翕然更始朕甚嘉之聖德日新政作更

始使老者得息幼者得長各保其首領而終其天年

朕與單于俱繇此道由從也順天恤民世世相傳施

之無窮天下莫不咸嘉使漢與匈奴鄰敵之國匈奴

處北寒殺氣早降故詔吏遺單于秣藥金帛絮它物

歲有數今天下大安萬民熙熙獨朕與單于為之父

毋朕追念前事薄物細故謀臣計失皆不足以離昆

弟之驩朕聞天不頗覆地不徧載朕與單于皆捐細

故俱蹈大道也墜壞前惡以圖長久使兩國之民若

一家子元元萬民下及魚鼈上及飛鳥跂行喙息蠕

動之類跂行凡有足而行者也喙息凡以口出氣者

莫不就安利避危殆故來者不止天之道也俱去前

事朕釋逃虞良謂漢人逃入匈奴者合不追單于毋言章尼等背單

于降朕聞古之帝王約分明而不食言凡云食言者終為不信棄

其前言如單于留志天下大平和親之後漢過不先

言更不單于其察之單于既約和親於是制詔御史

負約

匈奴大單于遺朕書和親已定亡人不足以益衆廣

地匈奴無入塞漢無出塞犯今約者殺之可以久和

親後無咎俱便朕已許其布告天下使明知之又詔

曰朕既不明不能遠德使方外之國不寧息夫四荒

之外不安其生戎狄荒服故曰四荒言其荒急去來無常也封圻之內勤

勞不處圻亦畿字不處者不獲安居二者之咎皆自本朕之德薄

而不能達也間者累年匈奴並暴邊境多殺吏民邊

臣兵吏又不能論其內志以重吾不德諭曉告也重音直用反

夫久結難連兵中外之國將何以自寧今朕夙興夜

寐勤勞天下憂苦萬民為之惻怛不安惻痛也未嘗但恨也

一日忘於心故遣使者冠蓋相望結轍於道使車往返故轍

也如結以諭朕志於單于今單于反古之道計社稷之

安便萬民之利新與朕俱棄細過偕之大道偕亦俱也之往

也也也越結兄弟之義以全天下元元之民元元善也和親

以定始於今年

景帝元年四月遣御史大夫陶青至代下與匈奴和

親

三年秋復與匈奴和親

五年夏遣公主嫁匈奴單于初帝既即位趙王遂陰

使於匈奴會吳楚反欲與趙合謀入邊漢圖破趙匈

奴亦止自是後帝復與匈奴和親通關市給遺單于

遣公主如故約終帝世時時小入盜邊無大寇

武帝即位初明和親約束厚遇關市饒給之匈奴自

單于以下皆親漢往來長城下帝令張騫使烏孫匈

奴聞其與漢通怒欲擊之烏孫於是恐使使獻馬願

得尚漢公主為昆弟天子問羣臣議計曰必先內聘

然後遣女烏孫以馬千疋聘入聘元封中遣江都王

建女細為公主以妻焉賜乘輿服御物為備官屬官

侍御數百人贈送甚盛烏孫昆莫以為右夫人匈奴

亦遣女妻昆莫以為左夫人公主至其國自治宮室

居歲時一再與昆莫會置酒飲食以幣帛賜王左右

貴人昆莫年老言語不通公主悲愁自為作歌曰吾

家嫁我今天一方遠託異國兮烏孫王穹廬為室兮

旃為牆以肉為食兮酪為漿食謂音飲居嘗土思兮心

內傷亡思而懷謂願為黃鵠兮歸故鄉天子聞而憐

之聞歲遣使者持帷帳錦繡絡遺焉門歲者謂每隔一歲而往也

昆莫年老欲使其孫岑陬尚公主公主不聽上書言

狀天子報曰從其國俗欲與烏孫共滅胡岑陬尚江

都公主生一女少夫名少夫公主死漢復以楚王戊之

孫解憂為公主妻岑陬陬且死以國與季父大祿

子翁歸靡後尚楚主解憂翁歸靡死岑陬子泥靡代

立號狂王復尚楚主解憂是時匈奴自馬邑軍後絕

和親數侵邊漢亦累出兵討破之伊穉斜單于用藁

降將趙信遣使好辭請和親帝下其議或言和親或

言遂臣之丞相長史任敞曰匈奴新困宜使為外臣

朝請於邊元鼎中烏維單于立數使使好辭甘言求

和親復遣楊信使匈奴謂單于曰即欲和親以單于

太子為質質音至謂以物相與質當也於漢單于曰非故絕漢嘗

遣公主給繒絮食物有品以和親品等差也今吾太子為

質無幾矣無幾言當盡也當武帝之世兵深入匈奴窮追二

冊守元龜 外臣部 卷之九百七十八 八

十餘年匈奴孕重墜殯罷極苦之

孕重懷妊者男也極困也苦也墜落

也殯之心

厭苦也 狐鹿姑單于以下嘗有欲和親計後欲求

和親會病死壺衍鞬單于既立風謂漢使者言欲和

親其臣衛律在時亦嘗言和親之利匈奴不_及死

後兵數困國益貧單于弟左谷蠡王思衛律言欲和

親而恐漢不聽故不肯先言嘗使左右風漢

風讀日諷然

其侵盜益希遇漢使愈厚欲以漸至和親漢亦羈縻

之

宣帝時烏孫昆彌自將擊匈奴有功漢遣較尉嘗惠

持金幣賜烏孫貴人有功者

元康二年烏孫昆彌因惠上書願以漢外孫元貴

美_音為嗣得令復尚漢公主結婚重親畔絕匈奴願聘

馬羸各千疋詔下公卿議大鴻臚蕭望之以為烏孫

絕域變故難保不可許帝美烏孫新立大功又重絕

故業

重難也故業謂先與烏孫昔親也

遣使者至烏孫先迎取聘昆

彌及太子左右大將都尉皆遣凡三百餘人入漢地

迎取少帝廼以烏孫主解憂弟相失為公主置官屬

侍御御百餘人舍上林中學烏孫言

舍天子自臨平

樂觀會匈奴使者外國君長大角抵設樂而遣之使

長羅侯光祿大夫為副凡持節者四人送少主至燉

煌未出塞聞烏孫昆彌歸翁靡死烏孫貴人共從本約立岑陁子深靡代爲昆彌號狂王惠上書願留少主燉煌惠馳至烏孫責讓不立元貴靡爲昆彌迎還少主天王用蕭望之議徵還少主
神爵二年匈奴單于遣名王奉獻賀正月始和親是時匈奴虛問權渠單于旁塞獵欲入寇單于病罷兵去乃使題王都梨胡次等入漢請和親未報會單于死

元帝時呼韓邪單于自言願婿漢氏以自親帝以後宮良家子王嬙字昭君賜單于昭君南郡人時呼韓邪來勅以宮女五人賜之昭君入宮數歲不得見御積悲怨乃請掖庭令求行呼韓邪臨辭大會帝召五女以侍之昭君豐容靚飾光明漢宮顧景裴回竦動左右帝見大驚意欲留之而難於失信遂與匈奴生二子及呼韓邪死其前閼氏子代立欲妻昭君上書求歸成帝勅令從胡俗遂復爲後單于閼氏
後漢光武建武中上谷太守王霸上書言宜與匈奴結和親

二十二年匈奴中連年旱蝗赤地數千里草木盡枯人畜饑疫死耗大半單于畏漢乘其弊乃遣使詣漁

陽請和親使中郎將季茂報命

二十七年北單于遣使詣武威求和親天子召公卿廷議不決皇太子言曰南單于新附北虜懼於見伐故傾耳而聽爭欲歸義耳今未能出兵而反交通北虜臣恐南單于將有二心北虜降者且不復來矣帝然之告武威太守勿受其使

二十八年北匈奴復遣使詣闕貢馬及裘更乞和親并請音樂又求率西域諸國胡客與俱獻見帝下三府議酬答之宜司徒掾班彪奏曰臣聞孝宣帝勅邊守尉曰匈奴大國多變詐交接得其情則却敵折衝

應對入其數則反爲輕欺今此匈奴見南單于來附懼謀其國故數乞和親又遠驅牛馬與漢合市重遣名王多所貢獻斯皆外示富彊以相欺誕也臣見其獻益重知其國益虛歸親愈數爲懼愈多然今旣未獲助南則亦不宜絕此羈縻之義禮無不答謂可頗加賞賜略與所獻相當明加曉告以前世呼韓邪郅支行事報答之辭今必有適令且藁草上并曰單于不忘漢恩追念先祖舊約欲修和親以輔身安國計議甚高爲單于嘉之往者匈奴數有乖亂呼韓邪郅支自將相離隙並蒙孝宣皇帝垂恩救護故各遣侍

子稱藩保塞其後郅支忿戾自絕皇澤而呼韓附親忠孝彌著及漢滅郅支遂保國傳嗣子孫相繼今單于擁衆向南款塞歸命自以呼韓嫡長次第當立而侵奪失職猜疑相背數請兵將歸北庭策謀紛紜無所不至惟念斯言不可獨聽又以北單于比年貢獻欲修和親故拒而未許將以成單于忠孝之義漢秉威信總率萬國日月所照皆為臣妾殊俗百蠻義無親疎服順者褒賞叛逆者誅罰善惡之効呼韓郅支是也今單于欲修和親款誠已達何嫌而欲率西域諸國俱來獻見西域國屬匈奴與屬漢何異單于數

遭兵亂國內虛耗貢物裁以通禮何必獻馬裘令齊

雜繒五百疋弓韃韞丸一矢四發

藏弓為韃藏箭為韞丸箭箠也四矢

日發遣遺單于又賜獻馬左骨都侯右谷蠡王雜繒各

四百疋斬馬劍各一單于前言先帝時所賜呼韓邪

竿瑟箏篥皆敗願復裁賜念單于國尚未安方厲武

節以戰攻為務竿瑟之用不如良弓利劍故未以齎

言不齎特往遺也

朕不愛小物於單于便宜所欲遣驛以聞

帝悉納從之

三十一年復遣使如前欲修和親乃璽書報答賜以綵繒不遣使者

明帝永平六年北匈奴猶盛數寇邊朝廷以爲憂北單于欲合市遣使求和親帝冀其交通不復爲寇乃許之遣給事中鄭衆持節使匈奴及衆還朝議復欲遣使衆上疏諫曰臣伏聞北單于所以要致漢使者欲以離南單于之衆堅三十六國之心也又當揚漢和親誇示鄰敵令西域欲歸化者局促狐疑懷土之人絕望中國耳漢使旣到便偃蹇自倨若復遣之虜必自謂得謀其羣臣駭議不敢復言如是南庭動搖烏桓有離心矣南單于久居漢地具知形勢萬分離析旋爲邊害盡令幸有度遼之衆揚威北垂雖勿報答不敢爲患帝不從

章帝元和二年武威太守孟雲上言北虜以前旣和親而南部復生鈇掠北單于謂漢敗盟謀欲犯塞謂宜還南所掠生口以慰安其意帝從大僕袁安議許之乃下詔曰昔獫狁獯鬻之敵中國其所繇來尚矣往者雖有和親之名終無絲髮之效境埵之人屢嬰塗炭父戰於前子死於後弱女乘於亭障孤兒號於道路老母寡妻設虛祭飲泣涕相望歸魂於沙漠之表豈不哀哉傳曰江海所以能長百川者以其下之也少加屈下尚何足病况今與匈奴君臣今定和順

約明貢獻累至豈宜違信自受其曲其勅度遼及領
中郎將龐奮倍雇南郡所得生口以還北虜其南部
斬首獲生計功受賞如嘗科時北單于遣使貢獻欲
求和親詔羣僚議者或以爲匈奴變詐之國無內向
之心徒以畏漢威靈逼憚南虜故希望報命以安其
離叛今若遣使恐失南虜親附之歡而成北狄猜詐
之計不可玄武司馬班固議曰竊自思惟漢興以來
曠世歷年兵纏夷狄尤事匈奴綏御之方其塗不一
或修文以和之或用武以征之或卑下以就之或臣
服而攻之雖屈伸無常所因時異然未有拒絕棄放

不與交接者也故自建武之世復修舊典數重出使
前後相繼至於其末始乃暫絕永平八年復議通之
廷爭連日異同紛回多執其難少言其易先帝聖德
遠覽瞻前顧後遂復出使事同前世以此而推未有
一世闕而不修者也今烏桓就闕稽首譯官康居月
氏自遠而至匈奴離析名王來降三方歸服不以兵
威此誠國家通於神明自然之徵也臣愚以爲宜依
故事復遣使者上可繼五鳳其露致遠人之會下不
失建武永平羈縻之義虜使再來然後一往旣明中
國主在忠信且知當朝禮義有嘗豈同逆詐示猜狐

其善意乎絕之未知其利通之不聞其害設後北虜
稍強能為風塵方復求為交通將何所及不若因今
施惠為策近長

和帝永元十六年北單于遣使詣闕貢獻願和親修
呼韓邪故約帝以其舊禮不備未許之而厚加賞賜
不答其使

元興元年重遣使詣燉煌貢獻辭以國貧未能備禮
願請天使當遣子入侍天子降天使至國即遣子隨天使入侍時鄧太

后臨朝亦不答其使但加賜而已

後魏道武時引吏部尚書崔玄伯講漢書至婁敬說

漢祖欲以魯元公主妻匈奴帝善之嗟嘆者良久是
以諸公主皆釐降于賓附之國朝臣子弟雖名族美
產不得尚焉時蠕蠕問大肥率宗族歸國尚華陰公
主公主薨復尚護澤公主

東魏孝靜帝時蠕蠕王阿那瓌遣朝貢求婚以嘗山
王妹樂安公主許之改為蘭陵公主瓌遣奉馬千匹
為聘禮迎公主詔宗正無奇送公主往北自是朝貢
武定三年吐谷渾國奉其從妹以備後庭納為容華
嬪

北齊神武為魏相國時阿那瓌彊盛與西魏通和欲

連兵東伐神武病之令杜弼使蠕蠕為世子求婚世子

即文襄也阿那瓌曰高王自娶則可神武猶豫尉景與武

明皇后及文襄並勸請乃從之武定三年使慕容儼

往聘之號曰蠕蠕公主八月神武迎於下館阿那瓌

使其弟秃突佳來送女且報聘仍戒曰待見外孫然

後反國公主性嚴毅一生不肯華言神武嘗有疾不

得往公主所秃突佳怨恚神武與疾就公主其見將

護如此神武後文襄蒸公主從又為第九子湛即武成也

娉蠕蠕太子菴羅辰女號隣和公主湛年始八歲

後主武平四年突厥使求婚

後周太祖為魏相突厥土門使使獻方物時鐵勒將

伐茹茹土門率所部邀破之盡降其眾五萬餘部恃

其疆盛乃求婚於茹茹主阿那瓌大怒使人罵辱之

曰爾是我鍛奴何敢發是言也土門亦怒殺其使者

遂與之絕而求婚於周太祖許之以魏長樂公主妻

之武帝時與齊人交爭成車歲動故每連突厥為外

援初魏恭帝世突厥侯弁許進女於太祖契未定而

太祖薨尋而侯弁又以他女許帝未及結納齊人亦

遣求婚侯弁貪其幣厚將悔之保定中詔遣涼州刺

史楊荐武伯王慶等往結之慶等至諭以信義侯弁

遂絕齊使而定婚焉五年詔陳公純大司徒宇文貴
神武公竇毅南安公楊荐等徃迎文天和二年侯升
又遣使來獻陳公純等至侯升復貳於齊會有風靈
變乃許純等以君后歸

宣帝大象元年突厥他鉢請和親帝冊趙王招女爲
千金公主嫁之

二年二月突厥遣使獻方物且逆千金公主

隋高祖開皇中突厥沙鉢略與從弟地勤察有隙各
遣使詣闕請和求援帝皆不許會周千金公主上書
請爲一子之例高祖遣開府徐平和使於沙鉢略諱

沙鉢略遣使致書曰辰年九月十日從天生大突厥
天下聖賢天子伊利俱盧設莫何始波羅可汗致書
大隋皇帝使人開府徐平和至辱告言語具聞也皇
帝是婦父卽是翁此是女夫卽是兒例兩境雖殊情
義是一今重叠親舊子子孫孫乃至萬世不斷上天
爲證終不違約此國所有羊馬都是皇帝畜生彼有
繒絲都是此物彼此有何異也高祖報書曰大隋天
子貽書大突厥乙利俱盧設莫何沙鉢略可汗得書
知大有好心何此也既是沙鉢略婦公今日看沙鉢
略共兒子不異旣以親舊厚意嘗使之外今特別遣

大臣虞慶則往彼看女復看沙鉢略也

十一年吐谷渾主伏使其兄子無素奉表稱藩并獻方物請以女備後庭帝謂滕王曰此非至誠但意計耳力謂無素曰朕知渾主欲令女事朕若依來請他國聞之便當相學一許一塞是謂不平若並許之又非好法朕情存安養欲令遂往豈可聚斂子女以實後宮乎竟不許

十六年以先化公主妻吐谷渾主伏伏上表稱公主爲天后帝不許其年國人殺伏立其弟伏允爲主使請依俗尚主帝從之自是朝貢歲至

十七年突厥突利可汗染干遣使來逆女舍之太管教習六禮先是帝改封周千金公主爲大義公主賜姓楊氏後帝以陳叔寶屏風賜之公主心不平因書屏風爲詩敘陳亡以自寄其辭帝聞而惡之公主復與西面突厥况利可汗連結帝恐其爲變將圖之會主與所從胡私通因發其事下詔廢黜之恐都藍不從遣竒章公牛弘將美妓四人以啗之時沙鉢略子曰染干居北方遣使求婚帝令裴矩謂之曰當殺大義公主者方許婚突利以爲然復譖之都藍因發怒遂殺公主於帳至是以宗女安義公主妻之帝欲離

間北夷故特厚其禮遣牛弘蘇威斛律孝卿相繼為使突厥前後遣使入朝三百七十輩突利本居北方

以尚主之故南徙度斤舊鎮

一云初突厥雍閭表請婚魚議將許之長孫晟

奏曰臣觀雍閭反覆無信特共玷厥有隙所以依倚國家縱與為婚終當必叛今若得尚公主承藉威靈玷厥染干必又受其徵發強而更反後恐雖圖且染干者處羅侯之子也素有誠款于今兩代臣前與目見亦乞通婚不如許之招令南徙兵少就弱易可撫馭使敵雍閭以為邊捍帝曰善乃遣慰喻染干許尚公主染干遣五百騎隨晟來逆女以宗女封安義公主以妻之晟說染干率眾南從居度會舊鎮雍閭疾之亟來洩畧染干伺知動靜輒遣奏聞是以賊來每失有備

十九年高頊楊素擊突厥玷厥大破之拜染干為意利珍臣啓民可汗於朔州築大利城以居時安義公

主已卒帝以宗女義成公主妻之部落歸者甚眾

十八年染干為玷厥等所攻乃隨長孫晟歸朝至是高頊等擊破玷厥乃命染干出居大利城焉

煬帝大業三年幸榆林啓民及義成公主來朝行宮前後獻馬三千疋帝大悅賜物萬三千段啓民上表曰已前聖人先帝莫緣可汗存在之月憐臣賜臣安義公主種種無少短至尊今還如聖人先帝提天下四方坐也還養活臣及突厥百姓實無少短臣今憶想聖人及至尊養活事具奏不可盡帝乃親幸啓民所居啓民奉觴上壽跪伏甚恭帝賜啓民及公主金甕各一及衣服被褥錦綵特勒以下各有差

明年啓民卒子

始畢可汗立表請尚公主詔從其俗唐初始畢死處羅可汗立處羅死黠利可汗立並妻主焉

四年高昌王伯雅遣使貢獻帝待其使甚厚明年伯雅來朝因從擊高麗還尚宗女華容公主

十年正月以宗女爲信儀公主嫁於突厥高昌娑那可汗賜錦綵袍十其綵萬疋帝將復其故地以遼東之役故未遑也

唐高祖義寧中遣襄武郡公琛與太嘗卿鄭元璿齎女妓遺突厥始畢可汗以結和親

武德五年西突厥葉護可汗遣使請婚

六年突厥又請和親歸我馬邑

八年四月宴西蕃突厥使時中國以突厥爲患故遣使與西突厥連和以備北狄於是葉護請婚帝謂侍中裴矩曰西突厥一與我懸遠有急不得相助今來請婚其意如何對曰西蕃懸遠誠如聖旨但北寇盛彊數爲邊害當今之計須遠交而近攻權可許婚以近頡利且羈縻之待一二年後中國完寧足抗北夷然後徐思其宜此蓋一時之策也帝然之今高平王道立至其國統葉護大悅遇頡利頻歲入寇西蕃路梗繇是未果

太宗貞觀八年吐蕃贊普弄讚嗣位帝遣行人馮德

遐往撫慰之弄見德遐大悅聞突厥及吐谷渾皆尚
公主乃遣使隨德遐入朝多資金寶奉表求婚帝未
之許使者既反言於弄讚曰初至大國待我甚厚許
嫁公主會吐谷渾王入朝有相離間繇是禮薄遂不
許嫁弄讚遂與羊同連發兵以擊吐谷渾吐谷渾不
能支遁於青海之北以避其鋒其國人畜並爲吐蕃
所掠於是進兵攻破党項及白蘭諸羌率其衆二千
餘頓於松州西境遣使貢金甲云來迎公主又謂其
屬曰若大國不嫁公主於我卽當入寇遂進攻松州
都督韓威輕騎覘賊反爲所敗邊人大擾帝遣吏部

尚書侯君集爲當彌道行軍大總管右領軍大將軍
執失思力爲白蘭道行軍總管左武衛將軍牛進達
爲濶水道行軍總管右領軍留蘭爲洮河道行軍總
管率步騎五萬擊之進達先鋒自松州夜襲其營斬
千餘級弄讚大懼引兵而退遣使謝罪因復請婚帝
許之弄讚乃遣其相祿東贊至禮獻金五千兩自餘
寶玩數百事

十四年吐谷渾烏也拔勤豆可汗諾曷鉢入朝請婚
先是帝卽位初吐谷渾王伏允爲子尊王求婚帝責
其親迎以羈縻之尊王稱疾不朝有詔停婚至是遂

以弘化公主妻諾曷鉢資送甚厚

十五年帝以文成公主妻之令禮部尚書江夏郡王道宗主婚持節送公主于吐蕃弄讚率其部兵次柘海親迎于河源見王人執子婿之禮甚恭旣而歎大國服飾禮儀之美俯仰有媿沮之色及與公主歸國謂所親曰我祖父未有通婚上國者今我得尚大唐公主爲幸實多爲公主築一城以誇示後代遂築城邑立棟宇以居處焉公主惡其人繕面弄讚令國中權且罷之身亦釋氍裘襲紈綺漸慕華風猜曠日華至遣子弟入國學而習業焉

十六年九月延陁真珠毗伽可汗遣其叔父汝鉢羅泥熟俟斤來請婚獻馬三千疋貂皮三萬八千馬腦鏡一帝許以女妻之徵可汗備親迎之禮帝志懷遠人於是發詔幸靈州與之會可汗大悅謂其國中曰我本鐵勒之小帥也蒙大國聖人樹立我爲可汗今復嫁我以公主車駕親至靈州斯亦足矣於是稅諸部羊馬以爲聘財或說可汗曰我薛延陁可汗與大唐天子俱爲一國主何以自往朝謁如或拘留悔之無及可汗曰吾聞大唐天子聖德遠被日月所照皆來賓服我歸心委質冀得一覩天顏無所復恨然積

北之地必當有主舍我別求固非大國之計我志決矣勿復多言於是言者遂止帝止三道發使受其羊馬然延隨無府藏調斂其國徃返且萬里既沙磧無草羊馬逸死途後期帝於是停幸靈州徵還三道之使既而其聘羊至所耗將半議者以爲戎狄則不可以禮義畜若聘財未備而與之婚或輕中國要令備禮以加重於是反其使者羣臣或勸帝云既許以公主妻延隨邊境得以休息納其獻聘不可失信於蕃人宜在速成帝謂之曰君等進計皆非也君等知古而不知今昔漢家匈奴強而中國弱所以厚飾子女

嫁與單于今時中國強而北狄弱漢兵一千堪擊其數萬延隨所以匍匐稽顙恣我所爲不敢驕慢者以新得立爲長雜姓本非其屬將倚大國用服其衆彼同羅僕固等十餘部落兵數萬并力足制延隨所以不敢發者延隨爲我所立懼中國也今若以女之大國子壻增崇其禮深結黨援雜姓部落屈膝低眉更遵服之夷狄之人豈知禮義微不得意勒兵南下如君所言可謂養獸自噬也吾今不與其女頗簡使命諸姓部落知吾弃之其爭擊延隨必矣於是遂絕其婚

十七年八月突厥咄陸可汗遣使求婚帝謂曰爾數年闕朝獻而敢留我使人此如摘叢林一葉盜海水一滴耳於我大國無損在爾徧識不足竟不許之二十年六月西突厥乙毗射遣可汗遣使朝貢仍求婚焉帝璽書報其善心優撫至甚

冊府元龜

淮南李嗣京叅閱

西極文翔鳳訂正

豫章黃國琦較釋

外臣部 二十四

和親第二

唐高宗永徽三年八月吐谷渾弘化長公主表請入朝遣左驍衛將軍鮮于濟往迎之

十一月弘化長公主來朝

顯慶三年冬十月庚申吐蕃贊普遣使來請婚仍獻

金毬罰及犂牛尾

調露二年十月吐蕃文成公主遣大臣論塞謫旁求告喪并請和親帝不許之遣郎將宋令文往吐蕃會贊之葬

則天長壽三年二月西平大長公主還蕃公主者太

宗族妹貞觀中吐蕃遣使請婚至是來朝設歸寧之

禮焉

臣飲若等曰按唐書太宗貞觀十五年文成公主出降吐蕃弄讚至高宗來降元年公主卒實錄所載西平大長公主檢和親事迹未獲

長安二年四月吐蕃遣使獻馬千疋金二千兩以表

求婚則天許之會贊普卒六月突厥默啜遣使莫達

干請以女妻皇太子制令皇太子男平恩王重俊義

與王重明等延立見之默啜遣大臣移力貪汗入朝

獻馬千匹及方物以謝許親之意則天讌之於宿羽

亭太子相王及朝集使三品已上並預會重賜以遣

之後中宗卽位默啜入寇靈州鳴沙縣中宗下制絕

其婚

中宗神龍三年四月詔以所養嗣雍王守禮女金城

公主出降吐蕃贊普

景龍二年四月和蕃使左驍衛大將軍楊矩奏言吐

蕃先遣使來此迎公主慕學漢語今欲放還吐蕃於

事不便伏望報之云其使已死帝曰凡事須示人以信宜應實詞報之使無猜貳遂放其使還

二年十一月吐蕃贊普遣其大臣尚贊吐蕃來迎女四年正月庚午制曰聖人布化用百姓爲心王者垂仁以入荒無外故能光宅遐邇財成品物繇是隆周理歷啓柔遠之圖強漢乘時建和親之義斯蓋御寓長策經邦茂範朕受命上靈克纂洪業摠三才而統極混六合以爲家聲教所覃建木橐林之外提封爰亘弱水流沙之表悠然至道高詠薰風載戢干戈大張禮樂庶幾前列克致和平睠彼吐蕃僻在西服皇

澤之始早申朝貢太宗文武聖皇帝德侔覆載情深億兆思偃兵甲遂通姻好數十年間一方清淨日女成公主往嫁其國因多變革我之邊隅亟興師旅彼之蕃落頗聞彫弊頃者及祖母可敦曾長等屢披誠款積有歲時思託舊親請崇姻好金城公主朕之小女長自宮闈言適遠方豈不鍾念但朕爲人父母志恤黎元若允誠祈更敦和好則邊上寧晏兵役休息遂割深慈爲國大計受築外館聿膺嘉禮彼吐蕃贊普卽以今月二十七日朕深自送於郊外帝乃召侍中紀處訥謂曰昔文成公主出降則江夏王送之卿

雅識蕃情安邊之略可爲朕充此使也處訥拜謝
旣而以不練邊事固辭帝又令中書侍郎趙彥昭往
昭以爲旣充外使恐其失權寵殊不悅司農卿趙履
溫私之曰公國之宰輔而爲一介之使不亦鄙乎彥
昭口計將安出履溫因爲陰託安樂公王密奏留之
丁丑命驍衛大將軍楊矩充送金城公主使己卯幸
始平縣以送金城公主辛巳設帳殿於百頃洎則引
王公宰臣及吐蕃使人入宴中坐酒闌命吐蕃使進
前諭以公主駢幼割慈遠嫁之日帝悲泣歎歎久之
因命從臣賦詩餞別改始平爲金城又改其地爲鳳

池鄉憐別里公主旣至吐蕃別築一城以居之

睿宗景雲二年十一月突厥曷可汗遣使請和親詔
以宋王成器女爲金仙公主許嫁之默乃遣其男楊
我支特勒來朝太極元年正月帝御安福門宴之俄
而帝傳位親竟不成

玄宗先天二年七月金城公主上言吐蕃贊普之母
死乃命左清道率李徽攝宗正卿持節使于吐蕃會
葬也

八月突厥遣王子楊我支來求婚以蜀王女南和縣
主下嫁于楊我支降書謂可汗曰朕欲可汗恩義稠

豐故與王子更重結親想可汗遠聞當喜慰也

開元二年四月辛巳突厥可汗遣使上表求婚自稱曰乾和永清大駙馬天上得果報天男突厥聖天骨咄祿可汗上皇帝曰府君皇帝乙酉定公主出降十月突厥默啜遣使求婚帝降書謂曰我與突厥素來通婚好和計之道豈是今自頃爲小女且緩其期亦可汗之久無報也今若若真心請來歲未賒任自擇日當遣公主嫁可汗遣一王子來此宿衛以申兩國之好豈不美耶

十月命左驍衛郎將尉遲環使吐蕃宣恩于金城公

王

四年八月吐蕃請和從之賞賜金城公主及贊普錦帛器物等蕃會皆嘉公主奉表謝恩曰金城公主奴奴言仲夏盛熱伏惟皇帝兄起居萬福御膳勝嘗奴奴奉見舅甥平章書云還依舊日重爲和好旣奉如此進止奴奴還同再生下情不勝喜躍伏蒙皇帝兄所賜信物並依數奉領謹獻金盞羚羊衫段青長毛毯各一奉表以聞

十二月詔曰固安縣主取來年二月五日出適奚都督李大酺湏早支料造作宜令河東少尹慕容珣充

男家禮會使雒陽令薛曦爲副少監李尚隱充女家禮會使河南縣令鄭璿爲副

五年三月吐蕃贊普又遣使奉表請和金城公主上表曰金城公主奴奴言季夏極熱伏惟皇帝兄御膳勝嘗奴奴甚平安願皇帝兄勿憂此間宰相向奴奴道贊普甚欲得和好亦疑親署誓文往者皇帝兄不許親署誓文奴奴降蕃事緣和好今乃搔動實將不安和矜憐奴奴遠在他國皇帝兄親署誓文亦非嘗事卽得兩國久長安穩伏惟念之

八月詔曰故東平王外孫正議大夫復州司馬楊元

嗣第七女譽叶才明體光柔順葭莩懿戚敦睦有倫
薨華靡顏德容蕪茂屬賢王慕義予以賜親納女問
名滋焉迨吉宜昇外館之寵俾耀邊城之地可封永
樂出降契丹松漠郡王李失活婚之夜遣諸親高品
及兩蕃大守領觀花燭又詔封從外生女辛氏爲固
安公主出降奚王饒樂郡王李大酺是月又以史懷
道女爲金河公主以妻突厥騎施可汗蘇祿先是蘇
祿頗善綏撫有衆二十萬遂雄西域之地尋遣使來
朝三年制授左羽林軍大將軍金方道經略大使位
特進遣侍御史鮮忠順齎璽書册立爲忠順可汗至

是每年遣使來朝獻帝乃以主妻之
九年突厥默啜遣使請和乞與帝爲子許之仍請尚
公主但厚賜遣之

十年契丹松漠郡王鬱于入朝請婚封從妹夫帝更
令慕容嘉賓女燕郡主以妻之明年鬱于死弟吐于
伐立復以燕郡主妻之是年奚饒樂郡王魯蘇入朝
仍以固安公主爲妻而公主與嫡母不和迺相論告
詔令離婚復以成安公主之女韋氏爲東光公主以
妻之

十二年三月遣使齎絹錦八萬段分賜奚及契丹詔
曰公主出降蕃王本擬安養部請入朝謁深慮勞煩
朕固割恩抑而未許因加殊惠以慰遠心奚有五部
落宜賜物三萬段先給征行遊奕兵及百姓餘一萬
段與東光公主饒樂王衙官刺史縣令契丹有八部
落宜賜物五萬段其中取四萬段先給征行有遊奕
兵士及百姓餘一萬段與燕郡公主松漠王衙官刺
史縣令其物雜以絹布務令均平給訖奏聞

七月突厥默啜遣使哥解頡利發獻方物可汗慕義
向風益以嘉尚我國家金帛子女務通和親然一爲
婚姻將傳永久契約須重禮數宜周今來人旣輕禮

亦未足所以未定日月令其且還如和好不移誠信無改凡有所請必當不違國家信若四時恩同天地一言則定何誓如之必能結之神明彌表彼之誠契旣無猜阻任擇其宜諸所有商量今已親語哥解更欲遣使恐致勞煩令寄可汗錦袍鈿帶銀盤胡餅至宜領取

八月謝颺國王特勅遣使羅火拔來朝火拔奏曰謝颺國去箇失密國一千五百里其失密國去吐蕃金城公主居處七日路程公主去年五月遣漢使二人偷道向箇失密國傳言曰汝赤心向漢我欲走出投

汝容受我否箇失密王聞其言大喜報曰公主但來竭心以待時箇失密王又遣使報臣國王曰天子欲走來投我國必恐吐蕃兵馬來逐我力不敵乞兵於我卽冀吐蕃破散公主得達臣國王聞之極歡遣使許諾于箇失密王令臣入朝面取進止帝甚然之賜帛百疋放還蕃

十三年玄宗將東封遣中書直省袁振攝鴻臚卿往突厥告其意默啜小殺與其妻及聞特勅瞰欲谷等環帳中設宴謂振曰吐蕃狗種唐國與之爲婚奚及契丹舊是突厥之奴亦尚唐家公主突厥前後請結

和親獨不蒙許何也振曰可汗既與皇帝為父子
 豈合婚姻小殺等曰兩蕃亦蒙賜姓猶得尚主但依
 此例有何不可且入蕃公主皆非天子之女今之所
 求豈問真假頻請不得實亦羞見諸蕃振許為奏請
 小殺乃遣其大臣阿史得頡利發入朝貢獻扈從東
 巡東封迴上為頡利發設饗厚賜而遣之竟不許其
 和親是年契丹立李盡忠弟邵固為主其冬車駕東
 巡邵固詣行在所封皇從外生女陳氏為東華公主
 以妻之

十四年正月改封契丹松漠郡王李邵固為廣化王

奚饒樂郡王李魯蘇為奉誠王仍封宗室外甥女二
 人為公主各以妻之制曰李邵固等輸忠保塞乃誠
 奉國屬外中于天無遠而不屆華裔靡隔等數有加
 宣錫休名俾承慶澤

按本紀唐書與寶錄
 年月不同故兩存之

十八年十月吐蕃遣其大臣各悉獵來朝請固和好
 之約且獻書曰伏惟皇帝舅宿親又蒙降金城公主
 遂和同為一家天下百姓普皆安樂中間為張玄表
 李知古等東西兩處先動兵馬侵抄吐蕃邊將所以
 互相征討迄至今日遂城疊隙外生以先代天成公
 主今金城之故深失尊卑豈敢失禮又緣年小狂被

邊將讒構聞亂令舅致恠伏乞垂察追留死將萬足承前數度使人入朝皆被邊將不許所以不敢自奏去冬公主遣使婁衆失力將狀專往蒙降使着公主來外生不勝喜賀謹遣使諭論各悉獵及副使押衛將軍浪些紇夜悉獵入朝取進止兩國事悉獵所共外生蕃中已處分邊將不許抄掠若有漢人來投便令却送伏望皇帝舅遠察赤心許從舊好長令百姓快樂如蒙聖恩千萬歲外生終不敢先違盟誓謹奉進金胡餅一金盤一金碗一瑪瑙杯一零羊衫段一謹充徵國之禮金城公主又別進金鴨盤盞新品物

等先是忠王友皇甫惟明因奏事面陳通和吐蕃之便帝然其言因令惟明及內侍張元方充使往聘惟明至吐蕃具宣帝意贊普等欣然請和政令各悉獵隨惟明入朝乃詔曰吐蕃向化遣使入朝旣懷舊恩請繼前好今緣公主在彼又復蕃客欲還使于四方必資德望鴻臚卿崔琳久歷朝序備曉政途好謀而成臨事能斷俾御國命以赴蕃庭宜令持節引入吐蕃使所司准式發遣又以琳爲御史大夫以奉使入蕃寵之也又降書與吐蕃贊普外生曰朕君臨寓縣子育黎元因百姓以爲心懼萬方之有罪皆文成遠

嫁將以寵光彼國豈無武力蓋取曲成尋以紛紜有
侵亭障重以婚姻之故旋師衽席之間又降金城以
敦前好所期疆場無壘書軌攸同更聞權在強臣遂
復違約失順干戈未息道路稱歎今有使臣遠來方
悉忠誠彌固舅甥之禮萬里如初協和之勤一心逾
亮義節可尚情見乎詞朕以公主在蕃親愛之極縱
有違負之過詎移骨肉之恩深明至懷知得良筭至
於止戈爲武國之大猷懷遠以德朕之本意中外無
隔夷夏混齊託聲教於殊方躋含靈于仁壽朕之深
旨來使具知劍南去年生羗就戮雖邊將有此舉動

是彼使來以前自茲已後更無討襲諸軍所守侵掠
並停今故使御史大夫崔琳往申信約所有陳請咸
不相違并所進器物並依數領得今寄多少信物至
宜領取又降書金城公主遠降殊方底寧蕃落載懷
貞順之道深明去就之宜能知其人而獻其款忠節
克著嘆美良深所進物等並領得今寄公主少多信
物至宜領取所請物並一依來奏文吐蕃使奏云公
主請毛詩禮記左傳各一部制令秘書省寫與之臣
字于休烈上疏諫言不可疏奏不省

二十一年二月金城公主上言請以今年九月一日

樹碑于赤嶺定蕃漢兩界時李嵩使于吐蕃金城度其還期暮秋故有是請及樹之日詔張守珪李行禕與吐蕃使莽布及同觀樹焉既樹吐蕃遣其臣隨漢使分往劍南及河西磧西歷告邊州使曰兩國和好無相侵掠漢使隨蕃使入蕃告亦如之

其碑文曰維大正開元二

十一年歲次壬申舅甥修其舊好同為一家往貞觀十年初通和好遠降文成公主入蕃已後景龍二年重為婚媾金城公主因茲降蕃自此以來萬事休帖間者邊吏不謹互有侵軼越在邊荒因之隔閡今遵承舊成與維新帝式藏用不違厥旨因以示赤嶺之外其所定邊界一依舊定為封守為羅斥候通關梁大矣哉皇天無私惟聖作又故違聖者逆也所以降雷霆之威率聖者順也所以漸雲雨之施休咎之理順逆之錄若斯之明矣昔先帝含弘愛至從聘所以一內外之禮等華夷之觀通朝覲之往來成舅甥

之宴好則我先帝之德不可忘也頃者瓜州之役而不討者蓋捨之先迷而歸之畜復夫恃安則逸逸則棄禮棄禮則忘信忘信者暴蔑之心生也故春秋時人忘盟誓之典有如日有江河我之今日罔不稽古幽蕃臣魁渠實曰警戒無或背濟德習凶梗侵擾我河湟窺覷我亭障無或恣業驚馳咆哮剽掠我牛馬蹂踐我農穡漢家軍領亦不得兵馬相侵我家用不奄襲爾城守覆墜爾師徒壅塞爾道路烟滅爾部落不以兵強而害義不以為利而棄言則我無爾詐爾無我虞信也司慎盟羣祀莫不聽命然後走正朔宜百福偕爾命祚決決乎仁壽之風矣休哉法尚一正無二正之極爾惟脩代好彌永年忠於人則信於神俾我唐受無疆之福爾亦荷有永之謀用懷爾遠人不寶爾遠物至聖之仁也銘曰言念舊好義不忒兮道路無壅烽燧息兮指河為誓

是年七月吐蕃遣宰相論紇野贊等來朝且通和好金城公主獻表曰妹奴奴言李行禕至奉皇帝兄正

月勅書伏承皇帝萬福奴惟加嘉躍今得舅甥和好
 永無改張天下黔庶並皆安樂然去年崔琳迴日請
 置府李行禕至及尚他辟迴其府事不蒙進止伏望
 皇帝兄商量矜奴所請吐蕃贊普獻書曰使人李行
 禕至奉書又尚他辟迴日所令傳語並且承命且漢
 與吐蕃俱是大國又復先來宿親自合同和天下蒼
 生悉皆快活贊揚盛德當無盡期及至久長亦無改
 變恐彼此邊界黎庶不委長和慮有惡人妄生亂意
 請彼此差使相監從沙州已來洮州已來分明報告
 使無疑慮即將永定今奉皇帝金銓馬腦胡瓶羶羊

衫段金銀餅盤器等以充國信

又云二十八年十月金城公主薨吐蕃

遣使來告喪公主景龍四年出降贊普既至蕃中吐
 蕃遣使因請河西九曲之地為金城公主湯沐邑楊
 矩遂奏與之吐蕃既得九曲之地草肥復懷背叛頻
 寇河隴開元十七年朔方大總管信安王偉率兵按
 石壁城大虜吐蕃於是吐蕃頻使求和詔忠王友皇
 甫惟明及內侍張元方使于吐蕃惟明既見贊普及
 公主皆欣然請和盡出貞觀以來勅書以示惟明乃
 遣重臣各悉獵禽惟明入朝贊善既獻寶物公主又
 獻金鴨盤雜器等物悉臚頗曉書記先是迎公主長
 安當時朝廷皆稱辯才及是帝引入內宴與語甚禮
 之詔御史大夫崔琳充使宣諭於赤嶺各分樹界碑
 約不相侵後吐蕃不受破之自後戰攻不息是歲公
 主薨吐蕃遣使告哀仍請和不許使到數月始
 命有司為公主於光順門外發哀輟朝三日

三十二年四月突厥遣使來朝謝婚表曰自遣使入
 朝已來甚好和同一無虛誑蕃漢百姓皆得一處養

畜資生種田未作今許降公主皇帝卽是阿助卑下是兒一種受恩更有何惡僅使可解粟必謝婚他滿達干請期獻馬四十疋充押亟

天寶三載十二月封宗女爲和義公主降寧遠國制曰呼韓來享位列侯王烏孫入和義通姻好懷柔之道今古攸同寧遠國奉化王驃騎大將軍爛達干志慕朝化誓爲邊杆漸聲教而有孚勤職貢而無闕誠深內附禮異殊隣爰錫嘉偶特申殊渥四從弟前河南府告成縣令叅第四女質稟幽閑性惟純懿承姆師之訓道寔宗人之光儀固可以保合戎庭克諧邦

選宜膺遠好以寵名蕃可封和義公主降寧遠國奉

化王

四載三月封外孫女獨孤氏爲靜樂公主降松漠都督崇順王李懷節封外甥女楊氏爲宜芳公主出降饒樂郡督懷信王李延寵九月奚及契丹酋長各殺公主舉部以叛

肅宗至德元年八月廻紇首領至請和親兼封安祿山

九月封故邠王第五男承家爲燉煌王使廻紇仍令僕固懷恩送至廻紇部落請和親封廻紇女爲毗加

公主

十月廻紇首領來朝請和親詔燉煌王承家赴廻紇結親

二年九月廻紇大首領入朝燉煌王承家加開府儀同三司拜宗正卿納廻紇公主爲妃是歲吐蕃又遣使請和親上詔給事中南巨川以修戎好報命

乾元元年六月廻紇使達亥阿波刺史入朝迎公主詔授開府儀同三司七月丁亥詔曰朕聞古之聖王臨御天下功懋受賞道無隔於華夷義存有孚信必全於終始故能德被寰宇化延殊俗是以周稱柔遠

克著濟時之圖漢結和親式弘長久之策繇來尚矣朕抵若元命永惟稽古內申九命勉膺嗣夏之期外接百蠻庶廣懷荒之澤頃自克渠作亂宗社阽危廻紇特表忠誠載懷奉國所以兵踰絕漢力徇中原亟除青犢之妖實賴烏孫之助而先有情款永固姻好今兩京抵定百度惟貞奉皇輿而載寧纘鴻業而攸重斯言可復厥德難忘爰申降主之禮用答勤王之志且骨肉之愛人情所鍾離遠之懷天屬尤切况將適異域寧忘軫念但上緣社稷下爲黎元遂抑冰慈爲國大計是用築慈外館割自中闈將成萬里之婚

莫定四方之業以其誠信所立家國故寧義以制名
飾崇寵號宜以幼女封為寧國公主應緣禮會所司
准式其降蕃日仍令堂翁銀青光祿大夫殿中監漢
中郡王瑀充冊命英武威遠毗伽可汗使以堂姪正
議大夫行右司郎中上柱國上邦縣公賜紫金魚袋
吳為副特差重臣開府儀同三司尚書左僕射冀國
公裴冕送至界首凡百姓臣庶宜悉朕懷戊子漢中
郡王瑀加特進太常卿攝御史大夫右司郎中吳改
尚書兵部郎中兼御史中丞鴻臚少卿兼充寧國公
主禮會使癸巳以冊立迴紇英武威遠毗伽可汗帝

御宣政殿漢中王瑀受命甲子帝送寧國公主咸陽

磁門驛

十一月甲子迴紇使三婦人謝寧國公主之娉也寧國

公主既降迴鶻又以榮王女勝之及寧國來歸榮王
女為可敦迴紇號為小寧國公主歷英武威遠二可
汗及天親可汗出居於外
英威一子為天親所殺

三年正月迴紇可汗使大臣俱六莫賀達于等入朝
奉表起居公主

代宗大曆四年五月冊僕固懷恩小女為崇徽公主
視同第十女下嫁迴紇可汗為可敦遣兵部侍郎李
涵兼御史大夫持節于迴紇冊可敦以繒帛二萬疋

遣之

六月丁酉崇徽公主辭赴迴紇宰臣已下百寮送至中渭橋

德宗貞元三年八月丁酉迴鶻可汗遣首領啜達于多覽將將軍合關達于等來貢方物且請和親帝許以咸安公主嫁之命見于麟德殿且令齋公主畫圖就示可汗以馬價絹五萬還之許互市而去

四年十月戊子迴紇寧國公主及使至帝御延喜門觀之禁婦人及車輿觀者時迴紇可汗喜於和親其禮甚恭上言昔爲兄弟今爲子聳子聳半子也此猶

父彼猶子也患西戎子當除之又罵辱吐蕃使者及使宰相等率衆千餘及其妹骨咄祿毗伽公主姨妹迷外骨咄祿公主及驍使大首領等妻妾凡五十六婦人來迎可敦凡遣人千餘納聘馬三千疋帝令朔州及太原分留七百匹其宰首領皆至分館鴻臚將作癸巳使見于宣政殿乙未帝召迴紇公主及使者對於麟德殿各有頒賜庚子詔以咸安公主出降迴紇可汗仍特置官屬視親王壬寅以殿中監嗣滕王湛然爲咸安公主婚禮使

十一月乙巳加嗣滕王湛然簡較禮部尚書兼御史

大夫丁未加送咸安公主及册回紇可汗使闕播簡
 較右僕射公主帝第八女也初王師平史朝義北虜
 微有功恃此不脩蕃臣禮至是廻紇武義成功可汗
 始遣使獻方物仍求結親并請改紇字為鶻帝與宰
 相議許之以公主降焉今使册可汗為勇猛分相智
 惠長受天親可汗册公主為孝順端正智慧長壽可
 敦御製詩送之天親可汗卒子忠身可汗立忠身卒
 奉誠可汗立奉誠卒國人立其相是
 為懷信可汗皆從
 胡法繼尚公主
 憲宗元和八年廻鶻遣使伊難珠來請和親
 十二年廻鶻又遣摩尼僧寺等八人至帝使有司計

之禮費約五百萬晉時方內有誅討計時度費未遂
 其請以摩尼嘗為廻鶻信奉使宰臣言其不可詔宗
 正少卿李誠使于廻鶻太常博士殷有副之諭其來
 請之意

穆宗卽位初廻鶻遣使合達于等來請和親許之
 長慶元年五月丙申廻鶻都督宰相公主摩尼等五
 百七十三人入朝迎公主詔於鴻臚寺安置癸亥勅
 太和公主出降廻鶻為可敦宜令中書舍人王起赴
 鴻臚寺宣示之初廻鶻自咸安公主歿後屢歸款請
 欲繼前好久未之許至元和末其請彌切憲宗以北

虜有勲勞於王家又西戎比歲爲邊患遂許以女妻之帝卽位踰年至是乃封第十妹爲太和長公主出降之甲子以左金吾衛大將軍胡証檢校戶部尚書持節充送公主入迴鶻及加冊可汗使光祿寺卿李憲加兼御史中丞充副使太嘗博士殷侑改殿中侍御史充判官以前曹州刺史李銳爲太府卿兼御史大夫持節赴迴鶻充婚禮使宗正少卿嗣寧王子鴻纂御史中丞充副使以虞部員外郎陳鴻爲判官六月乙亥加李憲御史大夫戊寅迴鶻奏以一萬騎出北庭一萬騎出安西柘吐蕃以迎太和長公主歸

國丙戌太和長公主出降迴鶻宜特置府其官屬宜准親王府例

七月乙卯正衙冊太和長公主爲迴鶻可敦辛酉長公主發赴迴鶻國帝以半伏御通化門臨送百僚章敬寺前立班儀衛頗盛士女傾城觀焉

十月豐州奏迴鶻五百騎至界首以迎公主十一月甲寅振武節度使張惟清奏准詔發兵三千人赴蔚州數內已發一千人訖餘二千人待大和公主出界卽發遣又奏得天德軍轉牒云迴鶻七百六十人將馳馬及車相次至黃盧泉迎公主豐州刺史李佑奏

迎公主廻鶻三千騎於柳泉下營
二年正月癸卯駙馬都尉鄭何送太和公主至廻鶻
還

十月金吾大將軍胡証送太和公主還初公主廻鶻
牙帳尚可信宿可汗遣數百騎來請與公主先從他
道去胡証曰不可虜使曰前咸安公主來時去花門
數百里卽先去今何獨拒我証曰我奉天子詔送公
主以授可汗今未見可汗豈宜先往虜使乃止旣至
虜廷乃擇吉日册公主爲廻鶻可敦可汗先昇樓東
嚮坐設氍幄於樓下以居以主使羣胡主教公主以

胡法公主始解唐服而衣胡衣以一嫗侍出樓前西
嚮拜可汗坐而視公主再俯拜訖復入氍幄中解前
所服而被可敦服通裙大襦皆茜色金飾冠如角前
指復出樓前俯拜可汗如初禮虜先設大輿曲宸廡
前設小座相者引出公主昇輿廻鶻九相分負其輿
隨日右轉於廷者九公主乃降輿昇樓與可汗俱東
嚮坐自是臣下朝拜謁并拜可敦可敦自有牙帳命
二相公出入帳中証等將歸可敦宴之帳中留連號
啼者竟日可汗因贈漢使以厚貺

